



REPUBLIKA E KOSOVËS - РЕПУБЛИКА КОСОВО - REPUBLIC OF KOSOVO
GJYKATA KUSHTETUESE
УСТАВНИ СУД
CONSTITUTIONAL COURT

Prishtinë, më 13 korrik 2017
Nr. ref.:RK 1102/17

VENDIM PËR TËRHEQJE TË KËRKESËS

në

rastin nr. K104/17

Parashtrues

Z. K.

Vlerësim i kërkесës së parashtruesit për tërheqje të kërkësës

GJYKATA KUSHTETUESE E REPUBLIKËS SË KOSOVËS

e përbërë nga:

Arta Rama-Hajrizi, kryetare
Ivan Čukalović, zëvendëskryetar
Altay Suroy, gjyqtar
Almiro Rodrigues, gjyqtar
Snezhana Botusharova, gjyqtare
Bekim Sejdiu, gjyqtar
Selvete Gérxhaliu-Krasniqi, gjyqtare dhe
Gresa Caka-Nimani, gjyqtare

Parashtruesi i kërkësës

- Kërkesa është dorëzuar nga Z. K. (në tekstin e mëtejmë: parashtruesi i kërkësës).

Objekti i çështjes

2. Objekti i çështjes është vlerësimi i kërkesës së parashtruesit për tërheqje të kërkesës dhe kërkesës për moszbulim të identitetit.

Baza juridike

3. Kërkesa bazohet në nenin 113, paragrafi 7 të Kushtetutës së Republikës së Kosovës (në tekstin e mëtejmë: Kushtetuta) dhe në nenet 22 dhe 23 të Ligjit për Gjykatën Kushtetuese të Republikës së Kosovës, nr. O3/L-121 (në tekstin e mëtejmë: Ligji), si dhe në rregullat 29 (6) dhe 32 të Rregullores së punës së Gjykatës Kushtetuese të Republikës së Kosovës (në tekstin e mëtejmë: Rregullorja e punës).

Procedura në Gjykatën Kushtetuese

4. Më 13 janar 2017, parashtruesi i kërkesës dorëzoi kërkesën në Gjykatën Kushtetuese të Republikës së Kosovës (në tekstin e mëtejmë: Gjykata).
5. Më 20 shkurt 2017, Gjykata e njoftoi parashtruesin për regjistrimin e kërkesës dhe një kopje të kërkesës ia dërgoi Gjykatës Supreme.
6. Më 24 shkurt 2017, Kryetarja e Gjykatës caktoi gjyqtarin Bekim Sejdiu gjyqtar raportues dhe Kolegjin shqyrtaues, të përbërë nga gjyqtarët: Ivan Čukalović (kryesues), Selvete Gérxhaliu-Krasniqi dhe Gresa Caka-Nimani (gjyqtarë).
7. Më 27 mars 2017, parashtruesi i kërkesës përmes shkresës iu drejtua Gjykatës me kërkesë për tërheqjen e kërkesës.
8. Më 2 qershor 2017, pas shqyrimit të raportit të gjyqtarit rapportues, Kolegji shqyrtaues i rekomandoi Gjykatës aprovin e kërkesës së parashtruesit për tërheqje të kërkesës për moszbulim të identitetit.

Përbledhja e fakteve

9. Si rezultat i aktgjykimeve të gjykatave të shkallës më të ulët, parashtruesi ishte shpallur fajtor për kryerjen e një vepre penale dhe ishte dënuar me burgim.
10. Vendimi i fundit përkitazi me rastin e parashtruesit është Aktgjykimi i Gjykatës Supreme, përmes të cilit ishte refuzuar si e pabazuar kërkesa e parashtruesit për mbrojtjen e ligjshmërisë.
11. Më 13 janar 2017, parashtruesi i kërkesës parashtroi kërkesë në Gjykatën Kushtetuese për vlerësimin e kushtetutshmërisë së Aktgjykimit të Gjykatës Supreme.
12. Në kërkesën e tij të parashtruar në Gjykatën Kushtetuese, parashtruesi po ashtu kishte kërkuar vendosjen e masës së përkohshme, përkatesisht shtyrjen e ekzekutimit të vendimit për vuajtjen e dënimit me burg, si dhe kishte kërkuar moszbulimin e identitetit të tij.

13. Si rrjedhojë e vendimeve të gjykatave të shkallës më të ulët, përmes të cilave ishte refuzuar kërkesa e parashtruesit për shtyrjen ekzekutimit të dënimit më burg, në shkurt të vitit 2017, parashtruesi ishte paraqitur në një qendër korrektuese për të filluar vuajtjen e dënimit.

Kërkesa për tërheqje të kérkesës KIo4/17 dhe moszbulim të identitetit

14. Më 27 mars 2017, parashtruesi parashtroi kérkesë për tërheqje të kérkesës së tij. Në shkresën e tij, parashtruesi ndër të tjera, deklaron: “[...] me ç'rast jeni njoftuar që tashmë jam paraqitur vullnetar dhe jam duke vuajtur dënimin në burg sipas vendimit në fuqi të Gjykatës së Apelit [...].”
15. Në kérkesën e tij të parashtruar në Gjykatën Kushtetuese më 13 janar 2017, parashtruesi po ashtu kishte kerkuar moszbulimin e identitetit të tij.

Vlerësimi i kérkesës për tërheqje të kérkesës

16. Në mënyrë që të jetë në gjendje të vendosë lidhur me kérkesën e parashtruesit për tërheqjen e kérkesës, Gjykata së pari duhet të shqyrtojë nëse parashtruesi i kérkesës i ka plotësuar kérkesat e përcaktuara me Ligj dhe me Rregulloren e punës.
17. Gjykata i referohet nenit 23 [Tërheqja e palës] të Ligjit, i cili parasheh që:
- “Gjykata Kushtetuese do të vendosë për çështjet që u janë referuar në mënyrë ligjore nga ana e palëve të autorizuara pavarësisht tërheqjes së palës nga procedura.”*
18. Gjykata po ashtu i referohet rregullit 32 [Tërheqja, hedhja poshtë dhe refuzimi i kérkesës] të Rregullores së punës, i cili parasheh që:
- “(1) Pala mund të tërheqë kérkesën ose përgjigjen e parashtruar për atë kérkesë në çdo kohë para fillimit të seancës dëgjimore, ose në çdo kohë para marrjes së vendimit nga Gjykata, nëse vendimi merret pa seancë dëgjimore.*
- (2) Pavarësisht tërheqjes së kérkesës, Gjykata mund të përcaktojë të vendosë përkitazi me të.[...].”*
19. Gjykata duke marrë parasysh kérkesën e parashtruesit dhe rrethanat e rastit, vlerëson se nuk ka ndonjë arsyé për vazhdimin e shqyrtimit të kérkesës për vlerësimin e kushtetutshmërisë së aktgjykit të lartcekur të Gjykatës Supreme dhe kérkesës së parashtruesit për vendosjen e masës së përkohshme.
20. Rrjedhimisht, Gjykata duke u bazuar në rregullin 32 (1) aprovon kérkesën e parashtruesit për tërheqjen e kérkesës.

Vlerësimi i kérkesës për moszbulimin e identitetit

21. Gjykata rikujton se parashtruesi në kérkesën e tij të dorëzuar më 13 janar 2017 kishte kerkuar që identiteti i tij të mos zbulohet. Në kérkesën e tij pranë

Gjykatës, parashtruesi kishte shpjeguar rrethanat dhe arsyet për mosbulim të identitetit.

22. Lidhur me këtë, Gjykata i referohet rregullit 29 (6) të Rregullores së punës, i cili parasheh që:

“Pala që parashtron kërkesë mund të kërkojë që identiteti i tij ose i saj të mos zbulohet publikisht dhe të paraqesë arsyet për këtë kërkesë. Gjykata mund të aprovojë kërkesën nëse vërteton se arsyet janë të bazuara mirë.”

23. Duke u bazuar në arsyetimin e paraqitur nga parashtruesi i kërkesës në kërkesën e tij të dorëzuar në Gjykatë, rrethanat e rastit, si dhe duke marrë parasysh faktin e kërkesës së tij për tërheqje të kërkesës, Gjykata aprovon kërkesën e tij për mosbulim të identitetit si të bazuar.

PËR KËTO ARSYE

Gjykata Kushtetuese, në mbështetje të nenit 113.7 të Kushtetutës, të nenit 23 të Ligjit dhe të rregullave 29 (6) dhe 32 të Rregullores, më 2 qershor 2017, njëzëri

VENDOS

- I. TA APROVOJË kërkesën për tërheqje të kërkesës;
- II. TA APROVOJË kërkesën për mosbulim të identitetit;
- III. T'UA KUMTOJË këtë vendim palëve;
- IV. TA PUBLIKOJË këtë vendim në Gazetën Zyrtare, në pajtim me nenin 20.4 të Ligjit;
- V. Ky vendim hyn në fuqi menjëherë.

Gjyqtari raportues
Bekim Sejdiu



Kryetarja e Gjykatës Kushtetuese
Arta Rama-Hajrizi